

Protocol no. 84
Sezzüda da venderdi, als 29 november 2013 08.30 - 12.00

Preschaints: Albert Mayer, Andri Poo, Men Caviezel, Dumeng Jann,
e Marco Fallet (protocol)

S-chüsada Marianne Werro - Lehmann, caus'absenz'our d'cumün.

Protocol

Ils protocols no. 82 ed 83 da las sezzüdas da lündeschdi, als, 20 e venderdi, als 25 november 2013 vegnan approvats.

749 790.501 Proget planisaziun cumünala
Ledscha da fabrica

Il schef da fabrica e planisaziun, Dumeng Jann, dà introductivmaing ün'orientaziun sur dal proceder davart da la cumischiun insembel culs perits, O. Menghini e P. A. Vital.

Il manader tecnic repassa la ledscha dond las infuormaziuns necessarias. Tuot ils puncts importants ed ils artichels concepits nouv d'eiran fingià gnüts fats bun davart dal cussagl. Tuot il rest la ledscha in lingua rumantscha ais gnü tradüt in tudais-ch, uschè chi's ha üna versiun cumpletta per tilla repassar.

l' proceder da consultaziun vegnan fats amo pitschens müdamaints ed adattamaints, ils quals il manader tecnic pigli'incunter per tils integrar.:

Il schef da fabrica e planisaziun ingrazch'a tuot la cumischiun ed al mander tecnic pella gronda e premurusa lavur prestada a bön da quist'ouvra.

Il Capo ingrazch'eir in nom dal cussagl a tuots involvats pella fich buna lavur prestada.

750 790.501 Proget planisaziun cumünala
Charta davart l'uffizi chantunal pel svilup dal territori dals 4
settember 2013

Il schef da fabrica e planisaziun, D. Jann, orientescha sur dals puncts importants, chi d'eiran gnüts manzunats da l'uffizi chantunal a regard tuot il proceder.

Culla charta manzunada, chi'd ais rivida pro'ls cumüns pür in settember, d'eira gnü fat attent tard süllas restricziuns decisas dal pövel als 3 marz 2013, dimena la revisiun parziala da la ledscha federala pella planisaziun dal territori «RPG 1». Quellas restricziuns pertoccan a tuot ils cumüns. La ledscha da l'iniziativa entrerà in vigur il plü bod sün prümavaira 2014 ed eir nos cumün stuvarà quintar cun restricziuns ed ulteriuras pretaisas per nos proget da la revisiun generala da la planisaziun cumünala. Ils detagls nu sun però amo gnanca davart dal Chantun dal tuot clers. Id ais uossa da spettar gio la posiziun davart dal Chantun a regard la preexaminaziun da nossa revisiun cumünala.

751 790.501 Proget planisaziun cumünala
Zona da mansteranza Panas-ch Sura

In november dal 2012 vaiva la regenza tut posiziun supra la revisiun parziala da la zona da mansteranza Panas-ch Sura. Ils mezs da planisaziun approvats ed il decret cumplet da la Regenza d'eiran depositats pro la chanzlia cumünala e da tals ha pudü gnir tut invista. Il Chantun vaiva fat pretaisas da recumpensaziun pella surfatscha da la zona previssa in Panas-ch Sura, las qualas nun sun pussiblas pel cumün d'accumplir.

A regard ils resultats dal proceder da planisaziun as fa valair uossa, cha la varianta pella zona Panans-ch Sura nu's verificcha. Uschè prevezz'il cussagl da comunicar al Chantun, chi gnüa desisti da la zona manzunada e d'examinar otras variantas.

752 021 FABRICA
Swissroof / annullaziun dal permiss da fabrica pella chasa B

Tenor la charta dals 21 november 2013 davart dal cumün cun diversas pretaisas e termins ha il partrun da fabrica tut posiziun als 25 november, cun quela quel fa diversas dumondas e pretaisas.

Causa cha'l termin pell'inoltraziun da la conferma da la finanziaziun pella chasa B ais scadü ed uschè gnü negligi, decid'il cussagl, cun vusch unanima, d'abolir il permiss da fabrica pella chasa B. Quai ha per consequenza cha quella part da la parcella nr. 249 vain müdada sül plan da fuormaziun da zona da fabrica in zona da tgnair libra.

753 021 FABRICA
Armin Rütthard / stadi da las lavuors

Davart dal rapreschantant giuridic da l'eredi da la sour dad A. Rütthard d'eira gnü dat glüm verda pella deliberaziun dal fabricat.

754 021 FABRICA
Johannes Bürgi; fouras geotermicas Plaz, parcella no. 276

Il schef da fabrica, Dumeng Jann, piglia recusaziun. La cumischiun ha examinà la dumonda da fabrica e la documainta ais avantman in möd cumplet. Sün proposta da la cumischiun decid'il Cussagl d'inviar la dumonda inavant a l'uffizi per la natüra e l'ambiant a Cuaira.

755 021 FABRICA
Hotel Val Sinestra; refabricaziun lobgias / terrassas, parcella 1528

La cumischiun da fabrica ha examinà quista dumonda insembel eir culla chüra da monumaints chantunala, J. Florin, causa chi's tratta qua d'ün object degn da gnir protet. Da quella vart vain i d'accord culla dumonda pellas lavuors manzunadas.

La documaint'ais avantman in möd cumplet. Sün proposta da la cumischiun decid'il cussagl d'inoltrar la dumonda in sen positiv a l'uffizi chantunal pel proceder dal BAB.

756 011 LEGISLATIVA
Proget fusiun dals 6 cumüns

Il capo, A. Mayer, orientescha chi bsögna d'inoltrar a la grupp dal proget seguaintas indicaziuns.

- Investiziuns importantas
- Schanzas e privels d'üna fusiun – seguond suprastanzas cumünalas

757

DIVERSAS SCHEFS

Problematica sauaziun Sent

Men Caviezel, cusglier dal dicasteri, manzuna chi dess gnir fixà vaira svelt il termin pella sezzüda previssa. Oramà nun ais quai pussibel avant il schner 2014 ed el propuon' il termin dals 21 schner 2014. In quist sen vain il büro Kindschi incumbenzà culla coordinaziun.

758

ORIENTAZIUNS

Il Capo infuormescha supra la sezzüda previssa culs cussagls cumünals a regard il proget da fusiun dals 6 cumüns. Quella ha lö als 8 schner 2014.

Als 12 december ha lö ün'ulteriura sezzüda da la grupp dal proget da fusiun. La versiun nouva, 1.9, vain amo surdat als cusgliers per tilla repassar ed ev. intervenir pro'l capo obain vicecapo.

Dumeng Jann, respunsabel in chosa, orientescha, cha la festina d'inauguraziun da la sculptura da G. Honegger ha lö in sonda, als 7 december 2013 a las 14.00. El e Christian Poo s'occupan dal necessari, tanter oter eir per ün regal a G. Honegger. Dumeng Jann salv'eir il pled festiv.

L'institut Otalpin SA, Ftan invid'a la radunanza generala ordinaria, quai sün sonda, als 14 december a las 14.00h. Displaschaivelmaing nun ais quai pussibel ad ingün dal cussagl da far part, causa collisiuns da termins.

La grupp da lavur da la biblioteca Sent ingrazch'in scrit pell'incletta demuossada dal cussagl in connex cul agumaint da la contribuziun annuala a bön da la biblioteca.

L'actuar:
Marco Fallet

Il Capo:
Albert Mayer